

BOSNA I HERCEGOVINA
FEDERACIJA BOSNE I HERCEGOVINE
KOMISIJA ZA VRIJEDNOSNE PAPIRE
FEDERACIJE BOSNE I HERCEGOVINE

Na osnovu člana 11. tačka 7. i 8., člana 12. tačka 1, 16, 20, 22, 26 i 30, člana 14. stav 2. Zakona o Komisiji za vrijednosne papire ("Službene novine Federacije BiH", broj 39/98, 36/99 i 33/04), člana 170. stav 2, člana 171. stav 5. i člana 222. stav 2. Zakona o investicijskim fondovima ("Službene novine Federacije BiH", broj 85/08) u vezi sa članom 46. stav 2. Zakona o računovodstvu i reviziji u Federaciji Bosne i Hercegovine ("Službene novine Federacije BiH", broj 83/09), Komisija za vrijednosne papire Federacije Bosne i Hercegovine, na 314. sjednici održanoj 11.5. 2011. godine, donijela je

PRAVILNIK

**o izmjeni i dopuni Pravilnika o uslovima za obavljanje revizije
finansijskih izvještaja investicijskih fondova**

Član 1.

U Pravilniku o uslovima za obavljanje revizije finansijskih izvještaja investicijskih fondova („Službene novine Federacije BiH“ broj 7/11), u članu 2. mijenja se se stav 2. tačka c) tako što se briše zarez i dodaje tekst „ ili dokaz o tome da revizorsko društvo ima uposlenika sa položenim ispitom za obavljanje poslova investicijskog savjetnika,“, te dodaju novi stavovi (3) i (4) koji glase:

„(3) Do osiguranja uslova iz stava 2. tačka c) ovog člana, a najkasnije do 30.9.2011. godine, u slučaju kada revizorsko društvo nema uposlenog ovlaštenog revizora sa važećom licencom koji ujedno ima i uvjerenje o položenom ispitu za sticanje zvanja investicijskog savjetnika, odnosno uposlenika sa zvanjem investicijskog savjetnika, revizorsko društvo može angažovati fizičko lice sa položenim ispitom za obavljanje poslova investicijskog savjetnika koje će biti dio tima koji pruža uslugu revizije finansijskih izvještaja za investicijske fondove.

(4) Revizorsko društvo je dužno ovjerenu kopiju ili primjerak originalnog ugovora o angažovanju fizičkog lica sa položenim ispitom za obavljanje poslova investicijskog savjetnika dostaviti Komisiji u prilogu prijave za uvrštavanje na Listu.“

Član 2.

Ovaj Pravilnik stupa na snagu osmog dana od dana objavljivanja u "Službenim novinama Federacije BiH".

Predsjednik
Komisije za vrijednosne papire
Federacije Bosne i Hercegovine

mr Hasan Ćelam

Broj: 01-02-1311/11
Sarajevo, 11. maja 2011.